

2017 ԹՎԱԿԱՆԻ ՏԱՐԵԿԱՆ ԾՐԱԳԻՐ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ԶԱՐԳԱՑՄԱՆ

1. ՆԵՐԱԾՈՒԹՅՈՒՆ

1. Ֆիզիկական կուլտուրան և սպորտը հայ ժողովրդի մշակույթի անբաժանելի մասն են: Սոցիալական գործոնների ընդհանուր համակարգում դրանք հասարակության կողմից օգտագործվում են մարդու հոգևոր և ֆիզիկական բազմակողմանի զարգացման, առողջության ամրապնդման, հիվանդությունների կանխարգելման, առողջ ապրելակերպի ձևավորման, բնակչության ակտիվ հանգստի կազմակերպման գործընթացում:

Սոցիալ-տնտեսական իրավիճակով պայմանավորված՝ բնակչության շրջանում նկատվում է ֆիզիկական զարգացման և պատրաստականության, կյանքի տևողության ցուցանիշների անկում: Դրան զուգահեռ ավելանում են հիվանդությունների, հաշմանդամության ցուցանիշները: Նշվածը վկայում է, որ առկա են համալիր հիմնախնդիրներ, որոնց շարքում նաև՝ լուծման կարիք ունեցող ֆիզիկական կուլտուրայի և սպորտի խնդիրները:

Արդյունավետ չի գործում ըստ բնակչության վայրի իրականացվող ֆիզկուլտուրային-առողջարարական ավանդական համակարգը, նվազել է ոլորտի մասնագետների թիվը: Լուրջ խնդիրներ են առաջացել մարզական կառույցների շինարարության, շահագործման և վերանորոգման գործընթացում:

Ծրագրում նախանշված են հիմնական գերակայությունները, կոնկրետ միջոցառումներն ու դրանց կատարման ժամկետները, իրագործման ուղիներն ու ակնկալվող արդյունքները, ֆինանսավորման աղբյուրն ու չափը:

2. ՀԻՄՆԱԿԱՆ ԴՐՈՒՅԹՆԵՐ

2. Ֆիզիկական կուլտուրան և սպորտը յուրատեսակ միջոց են առողջության պահպանման և ամրապնդման համար, որոնք խթանում են համընդհանուր մարդկային արժեքների համակարգի ձևավորման և անհատի բարոյա-կամային որակների զարգացումը: Նշվածը իրականացնելու համար անհրաժեշտ է համակցված միջոցառումների համակարգ, որը պայմաններ կստեղծի մարդկանց առօրյա կյանքում ֆիզիկական կուլտուրայի արմատավորման և բնակչության առողջության մակարդակի բարձրացման համար:

3. Ծրագիրը նախատեսված է ֆիզիկական կուլտուրայի և սպորտի բնագավառում պետական քաղաքականության իրականացման համար:

3. ԾՐԱԳՐԻ ԳԵՐԱԿԱՅՈՒԹՅՈՒՆՆԵՐԸ

4. Բնակչության ֆիզիկական զարգացումը և ֆիզիկական պատրաստականությունը, որոնք ներառում են դպրոցականների, սովորողների, զինծառայողների ֆիզիկական պատրաստականությունը, ըստ բնակության վայրի ֆիզիկական կուլտուրայի և սպորտի զարգացումը, հաշմանդամների ֆիզիկական և հոգևոր վերականգնումը:

5. Սպորտի զարգացումը, որը ներառում է մանկապատանեկան սպորտը և մարզական հերթափոխի պատրաստումը, ինչպես նաև ազգային ավանդական մարզաձևերի զարգացումը և տարածումը, այդ թվում նաև հաշմանդամային սպորտը:

6. Բարձրագույն նվաճումների սպորտը: Օլիմպիական գաղափարների տարածումը: Դոպինգի դեմ պայքարի հսկողության ուժեղացումը: Մարզական արդյունքների բարելավումը:

7. Ֆիզիկական կուլտուրայի և սպորտի նյութատեխնիկական բազայի ցանցի զարգացումն ու ամրապնդումը, ինչպես նաև բուժսպասարկման կատարելագործումը:

4. ՆՊԱՏԱԿԸ ԵՎ ԽՆԴԻՐՆԵՐԸ

8. Ծրագրի նպատակը սոցիալ-տնտեսական նոր պայմաններում Հայաստանի Հանրապետության Սահմանադրության, «Ֆիզիկական կուլտուրայի և սպորտի մասին», «Մանկապատանեկան սպորտի մասին» Հայաստանի Հանրապետության օրենքների հիմնադրույթների համաձայն հանրապետությունում ֆիզիկական կուլտուրայի և սպորտի զարգացումը և նրա արդյունավետ գործունեության համար պայմանների ստեղծումն է 2017 թվականի ընթացքում:

9. Ծրագրի խնդիրներն են՝

1) ֆիզիկական կուլտուրայի և սպորտի զարգացման սոցիալական առաջնայնության ապահովման համար իրավական և տնտեսական մեխանիզմի մշակումն ու իրագործումը.

2) բնակչության ֆիզիկական դաստիարակության համակարգի արդյունավետ գործունեության բարձրացման և զարգացման համար պայմանների ստեղծումը.

3) բնակչության առողջացման, ֆիզիկական զարգացման և ֆիզիկական պատրաստականության մակարդակի բարձրացումը.

4) օլիմպիական և պարաօլիմպիկ խաղերին, աշխարհի և Եվրոպայի առաջնություններին և այլ խոշոր միջազգային մրցաշարերին մասնակցելու համար մարզիկների և մարզաձևերի ազգային հավաքական թիմերի արդյունավետ նախապատրաստման և մասնակցության ապահովումը.

5) կադրերի պատրաստման համակարգի կատարելագործումը և ֆիզիկական կուլտուրայի ու սպորտի նյութատեխնիկական բազայի զարգացումը.

6) ֆիզիկական կուլտուրայի և սպորտի բնագավառում միջազգային կապերի ընդլայնումը.

7) ոլորտի գործունեության և զարգացման կառավարման համակարգի կատարելագործումը:

5. ԱԿՆԿԱԼՎՈՂ ԱՐԴՅՈՒՆՔՆԵՐԸ

10. Ակնկալվող արդյունքներն են՝

1) ֆիզիկական կուլտուրայի և սպորտի նկատմամբ բնակչության վերաբերմունքի ձևավորումը.

2) բնակչության առողջության ամրապնդումը, անհատի ներդաշնակ զարգացումը, աշխատունակության բարձրացումը և երկարակեցության ապահովումը.

3) բարձրակարգ մարզիկների պատրաստումը, միջազգային մրցասպարեզներում Հայաստանի Հանրապետության հավաքական թիմերի և մարզիկների մասնակցության ապահովումը, ինչպես նաև օլիմպիական և պարաօլիմպիկ խաղերում, աշխարհի և Եվրոպայի առաջնություններում հայ մարզիկների կողմից բարձր նվաճումների հասնելը.

4) հայրենիքի պաշտպանությանը պատրաստ երիտասարդության ֆիզիկական պատրաստականության ապահովումը:

10. Ծրագիրը նախատեսում է ֆիզիկական կուլտուրայի և սպորտի զարգացման միջոցառումների ու գործունեության հիմնական ուղիները:

6. ՖԻՆԱՆՍԱՎՈՐՄԱՆ ԱՂՔՅՈՒՐՆԵՐԸ

11. Ֆինանսավորման հիմնական աղբյուրը Հայաստանի Հանրապետության պետական բյուջեն է:

7. ԻՐԱԿԱՆԱՑՎՈՂ ՄԻՋՈՑԱՌՈՒՄՆԵՐԸ

12. 2017 թվականին իրականացվող միջոցառումներն են՝

№	Ծրագրի և միջոցառման անվանումը	Նպատակը և ակնկալվող արդյունքը	Հիմնախնդիրները	Ժամկետը	Ֆինանսավորման չափը (հազար դրամ)	Ֆինանսավորման աղբյուրը	Կատարողը
1.	<p>«ՀՀ մարզերում և ԼՂՀ-ում հանրապետական մարզական փառատրոնի անցկացում». ՀՀ մարզերում և ԼՂՀ-ում ֆիզիկական ակտիվության և առողջության օրերի անցկացում</p>	<p>Աշխատունակության բարձրացում, հնարավորությունների ընձեռում՝ մասնակցելու մարդու ֆիզիկական վիճակի և մարզական արդյունքների բարելավմանը:</p>	<p>Անհատի ներդաշնակ զարգացում:</p>	<p>3-րդ եռամսյակ</p>	<p>6,960.0</p>	<p>ՀՀ պետական բյուջե</p>	<p>ՀՀ սպորտի և երիտամսարդության հարցերի նախարարություն</p>
2.	<p>««Լավագույն մարզական ընդանիք» մրցույթի անցկացում». ՀՀ Նախագահի մրցանակի համար «Լավագույն մարզական ընտանիք» մրցույթի անցկացում</p>	<p>Բնակչության ազատ ժամանցի և ակտիվ հանգստի կազմակերպում, ֆիզիկական կուլտուրայի և սպորտի միջոցով ընտանեկան կապերի ամրապնդում և առողջ կենսակերպի արմատավորում, անհատի բազմակողմանի ու ներդաշնակ զարգացման, բնակչության առողջության ամրապնդման, առողջ ապրելակերպի ձևավորման գործում ֆիզիկական կուլտուրայի և սպորտի դերի բարձրացում:</p>	<p>Ըստ բնակչության վայրի ֆիզկուլտուրային-առողջարարական և զանգվածային մարզական աշխատանքների բարելավում:</p>	<p>2-րդ և 3-րդ եռամսյակ</p>	<p>114,345.8</p>	<p>ՀՀ պետական բյուջե</p>	<p>ՀՀ սպորտի և երիտամսարդության հարցերի նախարարություն</p>

3.	<p>««Հաշմանդամություն ունեցող լավագույն մարզիկ» մրցույթի անցկացում». «Հաշմանդամություն ունեցող լավագույն մարզիկ» մրցույթի անցկացում</p>	<p>Հաշմանդամություն ունեցող անձանց համար հասարակական կյանքի մարզական ոլորտում հավասար իրավունքների և հնարավորությունների ապահովում, պետական և ոչ պետական կազմակերպությունների համագործակցություն՝ նոր որակ հաղորդելու նպատակով համապատասխան օրենսդրական դաշտի ապահովում, ինչպես նաև ֆիզիկական կուլտուրայի և սպորտի միջոցով հաշմանդամություն ունեցող անձանց լիարժեք կյանք վերադարձի ապահովում:</p>	<p>Ֆիզիկական կուլտուրայի և սպորտի նկատմամբ հաշմանդամություն ունեցող անձանց վերաբերմունքի ձևավորումը: Ֆիզիկական կուլտուրայի և սպորտի միջոցով հաշմանդամություն ունեցող անձանց առողջության ամրապնդումը, անհատի ներդաշնակ զարգացումը, աշխատունակության բարձրացումը, երկարակեցության, ակտիվ հանգստի կազմակերպման և վերականգնման ապահովումը, առողջ ապրելակերպի արմատավորումը:</p>	3-րդ եռամսյակ	16,945.3	ՀՀ պետական բյուջե	ՀՀ սպորտի և երիտամսարդության հարցերի նախարարություն
4.	<p>««Լավագույն մարզական նախադպրոցական հասարակություն» մրցույթի անցկացում». «Լավագույն մարզական նախադպրոցական հաստատություն» մրցույթի անցկացում</p>	<p>Նախադպրոցական տարիքի երեխաների շրջանում առողջ ապրելակերպի ամրապնդում, ֆիզիկական դաստիարակության միջոցով նրանց առողջության ամրապնդում, անհատի բազմակողմանի ու</p>	<p>Ֆիզիկական կուլտուրայի և սպորտի միջոցով նախադպրոցական տարիքի երեխաների առողջության ամրապնդում, անհատի ներդաշնակ զարգացում, երեխաների ակտիվ հանգստի</p>	2-րդ եռամսյակ	19,574.7	ՀՀ պետական բյուջե	ՀՀ սպորտի և երիտամսարդության հարցերի նախարարություն

	<p>ներդաշնակ զարգացում, առողջ ապրելակերպի ձևավորման գործում ֆիզիկական կուլտուրայի և սպորտի դերի բարձրացում, երեխաների շրջանում տարբեր մարզաձևերով մարզվելու կողմնորոշման ձևավորում, նրանց ֆիզիկական որակների բարելավում, ֆիզիկական կուլտուրայի և սպորտի քարոզչություն, նախադպրոցական հիմնարկներում ֆիզկուլտուրային, առողջարարական և զանգվածային մարզական աշխատանքների կազմակերպման խթանում:</p>	<p>կազմակերպում, առողջ ապրելակերպի արմատավորում, առողջության ամրապնդում:</p>				
--	---	--	--	--	--	--

5.	<p>««Երեխաների խնամքի և պաշտպանության լավագույն մարզական հաստատություն» մրցույթի անցկացում». «Երեխաների խնամքի և պաշտպանության լավագույն մարզական հաստատություն» մրցույթի անցկացում</p>	<p>Անհատի բազմակողմանի և ներդաշնակ զարգացում, մանկատների և գիշերօթիկ հաստատությունների երեխաների առողջ ապրելակերպի ձևավորման գործում ֆիզիկական կուլտուրայի և սպորտի դերի բարձրացում, ֆիզկուլտուրա առարկայի դերի կարևորում, դպրոցական տարիքի երեխաների շրջանում տարբեր մարզաձևերով մարզվելու կողմնորոշման ձևավորում: Մանկատների և գիշերօթիկ հաստատությունների (3-ից 6-րդ) դասարանի աշակերտների ֆիզիկական ունակությունների բարելավում, առողջության ամրապնդում, տարբեր մարզաձևերում ընդգրկվող երեխաների թվի ավելացում:</p>	<p>Մանկատների և գիշերօթիկ հաստատությունների երեխաների առողջ ապրելակերպի ձևավորման գործում ֆիզիկական կուլտուրայի և սպորտի դերի բարձրացում:</p>	3-րդ եռամսյակ	4,975.0	ՀՀ պետական բյուջե	ՀՀ սպորտի և երիտամսարդության հարցերի նախարարություն
----	---	--	---	---------------	---------	-------------------	---

6.	<p>«Եվրախորհրդի սպորտի մասին համաձայնագրին անդամակցում». Եվրախորհրդի սպորտի մասին ընդլայնված մասնակի համաձայնագրին անդամակցելու անդամավճար</p>	<p>ՀՀ սպորտի և երիտասարդության հարցերի նախարարության միջոցով իրականացվող ծրագրերով նախատեսված արդյունքների ապահովմանը նպաստում:</p>	<p>Ինտեգրում եվրոպական պետությունների ընտանիքին:</p>	<p>1-ին եռամսյակ</p>	<p>3,779.0</p>	<p>ՀՀ պետական բյուջե</p>	<p>ՀՀ սպորտի և երիտասարդության հարցերի նախարարություն</p>
7.	<p>«Հաշմանդամային սպորտին առնչվող ծառայություններ». Պետական աջակցություն հաշմանդամային սպորտով զբաղվող մարզական կազմակերպություններին՝ «ՀՀ ազգային պարաօլիմպիկ կոմիտե» ՀԿ, «Հայաստանի կույրերի կոմիտե» ՀԿ, «Խուլերի հայկական սպորտային կոմիտե» ՀԿ, «Հայկական հատուկ օլիմպիականներ» ՀԿ</p>	<p>Հաշմանդամների տարբեր խմբերի շրջանում ֆիզկուլտուրային-առողջարարական աշխատանքների համադասում, առողջության ամրապնդում, նախորդ տարիների համեմատությամբ մարզական ցուցանիշների աճ, հաշմանդամների միջազգային կազմակերպությունների կողմից անցկացվող աշխարհի, Եվրոպայի առաջնություններում գրաված տեղերի և վաստակած մեդալների աճ:</p>	<p>Հաշմանդամների ինտեգրում հասարակությանը:</p>	<p>1-ին, 2-րդ, 3-րդ եռամսյակ</p>	<p>9,000.0</p>	<p>ՀՀ պետական բյուջե</p>	<p>ՀՀ սպորտի և երիտասարդության հարցերի նախարարություն</p>
8.	<p>Ֆրանկոֆոնիայի 8-րդ մարզամշակութային խաղերին Հայաստանի մարզական պատվիրակության մասնակցության ապահովում.</p>	<p>ՀՀ մարզական պատվիրակության 2017 թ. Կոտ դ'Իվուարի Աբիջան քաղաքում Ֆրանկոֆոնիայի</p>	<p>Տարածաշրջանում մարզական կապերի ստեղծում, երիտասարդների մարզական փորձի</p>	<p>2-րդ եռամսյակ</p>	<p>29,676.4</p>	<p>ՀՀ պետական բյուջե</p>	<p>ՀՀ սպորտի և երիտասարդության հարցերի նախարարություն</p>

	<p>Ֆրանկոֆոնիայի 8-րդ մարզամշակութային խաղերին Հայաստանի մարզական պատվիրակության մասնակցության ապահովում</p>	<p>մարզամշակութային խաղերին մասնակցություն: Ֆրանկոֆոնյան մարզական խաղերի ծրագրի 6 մարզաձևերից (սեղանի թենիս, աթլետիկա, ձյուդո, խճուղային հեծանիվ, ըմբշամարտ, բասկետբոլ), 49 մարզիկների և 5 պատվիրակության ղեկավարների մասնակցություն: Մրցումների արդյունքների հիման վրա հավաքական թիմերի անդամների համալրում:</p>	<p>ձեռքբերում, խոշոր միջազգային մրցումների համար մարզական վարպետության բարձրացում:</p>				
--	--	---	--	--	--	--	--

9.	<p>«ՀՀ առաջնություններին և միջազգային միջոցառումներին մասնակցության ապահովման համար մարզիկների նախապատրաստում և առաջնությունների անցկացում».</p> <p>Մարզաձևերի զարգացման նպատակով պետական աջակցություն ՀՀ մարզական ֆեդերացիաներին</p>	<p>ՀՀ առաջնությունների անցկացման ապահովում: Համաշխարհային պատանեկան օլիմպիական խաղերին, աշխարհի և Եվրոպայի առաջնություններին ու վարկանիշային միջազգային մրցաշարերին լավագույն ձևով նախապատրաստվելու նպատակով ուսումնամարզական հավաքների կազմակերպում: Աշխարհի և Եվրոպայի առաջնություններում մրցանակային տեղեր գրավելով՝ ՀՀ մարզական հեղինակության բարձրացման ապահովում: ՀՀ առաջնությունների քանակի ավելացում, օլիմպիական խաղերին, աշխարհի և Եվրոպայի առաջնություններին, վարկանիշային միջազգային մրցաշարերին լավագույն ձևով մասնակցելու նպատակով ուսումնամարզական հավաքների քանակի</p>	<p>Նշված ծրագրի իրականացումը կնպաստի օլիմպիական խաղերում, աշխարհի և Եվրոպայի առաջնություններում մրցանակային տեղեր գրավելուն և Հայաստանի մարզական միջազգային հեղինակության բարձրացմանը:</p>	<p>Տարվա ընթացքում</p>	<p>929,967.2</p>	<p>ՀՀ պետական բյուջե</p>	<p>ՀՀ սպորտի և երիտամսարդության հարցերի նախարարություն</p>
----	--	---	--	------------------------	------------------	--------------------------	--

		ավելացում, միջազգային տարբեր պաշտոնական և ոչ պաշտոնական մրցաշարերին մասնակցության ավելացում:					
10.	<p>«Միջազգային մարզական միջոցառումների հաղթողներին և մրցանակակիրներին դրամական մրցանակների հանձնում».</p> <p>Օլիմպիական խաղերի, աշխարհի, Եվրոպայի</p>	Օլիմպիական խաղերի, աշխարհի, Եվրոպայի առաջնությունների և համալիր միջազգային մրցաշարերի հաղթողների և մրցանակակիրների	Ծրագրի իրականացումը կնպաստի միջազգային մրցումներին մասնակցության արդյունքների	4-րդ եռամսյակ	50,000.0	ՀՀ պետական բյուջե	ՀՀ սպորտի և երիտամսարդության հարցերի նախարարություն

	առաջնությունների և համալիր միջազգային մրցաշարերի հաղթողների և մրցանակակիրների դրամական պարգևների վճարում	սոցիալական պայմանների բարելավում: Մարզիկների մարզական արդյունքների և սոցիալական պայմանների բարելավում:	բարելավմանը:				
11.	<p>«ՀՀ հավաքական թիմերին մարզահագուստով և մարզահանդերձանքով ապահովում».</p> <p>ՀՀ հավաքական թիմերին մարզահագուստով և մարզահանդերձանքով ապահովում</p>	Նոր, ժամանակակից մարզահագուստով և մարզահանդերձանքով ապահովում, մարզման գործընթացի և արդյունավետության բարձրացում, ինչն էլ կնպաստի մրցումների ժամանակ լավագույն մարզական արդյունքներ ցուցաբերելուն:	Ծրագրի իրականացումը կնպաստի հանրապետության հավաքական թիմերին մարզահագուստով և մարզահանդերձանքով ապահովելուն:	1-ին եռամսյակ	71,898.0	ՀՀ պետական բյուջե	ՀՀ սպորտի և երիտամսարդության հարցերի նախարարություն
12.	<p>«ՀՀ հավաքական թիմերի գլխավոր և ավագ մարզիչների վարձատրություն և աշխարհի չեմպիոններին պատվովճարի հատկացում».</p> <p>ՀՀ հավաքական թիմերի ավագ մարզիչների վարձատրություն և աշխարհի չեմպիոնների պատվովճարի հատկացման նպատակով պետական աջակցության ապահովում:</p>	ՀՀ հավաքական թիմերի ավագ մարզիչների և աշխարհի չեմպիոնների սոցիալական պայմանների բարելավում: Մարզիկների մարզական արդյունքների և սոցիալական պայմանների բարելավում:	Ծրագրի իրականացումը կնպաստի ՀՀ հավաքական թիմերի սոցիալական պայմանների բարելավմանը:	տարվա ընթացքում	47,238.0	ՀՀ պետական բյուջե	ՀՀ սպորտի և երիտամսարդության հարցերի նախարարություն
13.	<p>«Օլիմպիական խաղերում, աշխարհի և Եվրոպայի առաջնություններում բարձր արդյունքների հասած ՀՀ հավաքական թիմերի մարզիկներին և նրանց</p>	Օլիմպիական խաղերում, աշխարհի, Եվրոպայի առաջնություններում, միջազգային մրցումներում մրցանակային տեղերի	Ծրագրի իրականացումը կնպաստի մարզիչների և մարզիկների սոցիալական	1-ին, 2-րդ, 3-րդ եռամսյակ	150,000.0	ՀՀ պետական բյուջե	ՀՀ սպորտի և երիտամսարդության հարցերի նախարարություն

	<p>մարզիչներին ՀՀ Նախագահի անվանական թոշակի հատկացում».</p> <p>Օլիմպիական խաղերին, աշխարհի, Եվրոպայի առաջնություններին, միջազգային մրցումներին (այդ թվում՝ վարկանիշային) ՀՀ հավաքական թիմերի կազմում ընդգրկված մրցանակային տեղեր զբաղեցրած մարզիկներին, նրանց անձնական մարզիչներին և հավաքական թիմերի մարզիչներին յուրաքանչյուր ամիս ՀՀ Նախագահի անվանական թոշակի հատկացում</p>	<p>նվաճում, անձնական արդյունքների բարելավում:</p> <p>Օլիմպիական խաղերի մասնակցության համար վարկանիշների ձեռքբերում, աշխարհի, Եվրոպայի և ՀՀ ռեկորդների բարելավում:</p>	<p>պայմանների բարելավմանը:</p>				
14.	<p>«Սպորտային բժշկության և հակադոպինգային հսկողության ծառայություններ».</p> <p>ՀՀ հավաքական թիմերի անդամների գիտամեթոդական, բժշկական և հակադոպինգային ուսումնասիրությունների ուղղությամբ տարվող աշխատանքների բարելավում</p>	<p>Մարզիկների ուսումնամարզական գործընթացի և հակադոպինգային ուսումնասիրությունների ուղղությամբ տարվող աշխատանքների բարելավում:</p>	<p>Ծրագրի իրականացումը կնպաստի մասնագիտական խոր գիտական հետազոտություններ անցկացնելուն՝ մարզիկների ֆունկցիոնալ հնարավորություններ ի հայտնաբերման համար:</p>	<p>Տարվա ընթացքում</p>	<p>101,735.1</p>	<p>ՀՀ պետական բյուջե</p>	<p>ՀՀ սպորտի և երիտամսարդության հարցերի նախարարություն</p>
15.	<p>«Հակադոպինգային համաշխարհային գործակալությանը անդամակցում».</p> <p>Հակադոպինգային համաշխարհային գործակալությանը անդամակցելու անդամավճարի մուծում</p>	<p>ՀՀ սպորտի և երիտամսարդության հարցերի նախարարության միջոցով իրականացվող ծրագրերով նախատեսված արդյունքների ապահովմանը</p>	<p>Դոպինգի դեմ պայքարի հսկողության ուժեղացում:</p>	<p>1-ին եռամսյակ</p>	<p>4,196.8</p>	<p>ՀՀ պետական բյուջե</p>	<p>ՀՀ սպորտի և երիտամսարդության հարցերի նախարարություն</p>

		նպաստում:					
16.	<p>«Նախագորակոչային և զորակոչային տարիքի երիտասարդության հանրապետական ռազմամարզական խաղերի անցկացում».</p> <p>Նախագորակոչային և զորակոչային տարիքի երիտասարդության հանրապետական ռազմամարզական խաղերի անցկացում</p>	<p>Նախագորակոչային և զորակոչային տարիքի երիտասարդների կենցաղում ֆիզկուլտուրայի և սպորտի ներդրում, Հայաստանի Հանրապետության ազգային բանակում ծառայելու համար ֆիզիկապես կոփված երիտասարդների դաստիարակում, նրանց ֆիզիկական ունակությունների մոնիտորինգի անցկացում: Մասնակից թիմերի, նախագորակոչային և զորակոչային տարիքի երիտասարդների թվաքանակի և նրանց ֆիզիկական պատրաստականության աճ:</p>	<p>Նախագորակոչային և զորակոչային տարիքի երիտասարդների ֆիզիկական պատրաստականության աճ:</p>	<p>3-րդ և 4-րդ եռամսյակ</p>	<p>7,000.0</p>	<p>ՀՀ պետական բյուջե</p>	<p>ՀՀ սպորտի և երիտամսարդության հարցերի նախարարություն</p>
17.	<p>«Եվրոպայի երիտասարդության օլիմպիական փառատոների մասնակցության ապահովում».</p> <p>Եվրոպայի երիտասարդության ձմեռային և ամառային օլիմպիական փառատոներին մասնակցություն</p>	<p>Հայաստանի մարզիկների մասնակցության ապահովումը 2017 թ. Եվրոպայի երիտասարդության ձմեռային օլիմպիական փառատոներին (Թուրքիա, ք. Էրզրում, 2017 թ. փետրվար) և ամառային օլիմպիական</p>	<p>2018 թվականին Փխենչանում անցկացվելիք ձմեռային և 2020 թվականին Տոկիոյում անցկացվելիք ամառային օլիմպիական խաղերին մասնակցող Հայաստանի</p>	<p>1-ին եռամսյակ</p>	<p>44,014.3</p>	<p>ՀՀ պետական բյուջե</p>	<p>ՀՀ սպորտի և երիտամսարդության հարցերի նախարարություն</p>

		<p>փառատոնին (Հունգարիա, ք. Գյոր, 2017 թ. հուլիս), երիտասարդ խոստումնալից մարզիկների բացահայտում, օլիմպիական գաղափարների տարածում, մրցակցական փորձի ծեղքերում: Եվրոպայի, աշխարհի առաջնություններին մասնակից Հայաստանի Հանրապետության հավաքական թիմերի համալրում:</p>	<p>հավաքական թիմերի համալրում բարձրակարգ խոստումնալից մարզիկներով:</p>				
--	--	--	--	--	--	--	--